



Inatsisartunut ilaasortaq Niels Thomsen

Asasara Niels Thomsen

Inatsisartut suleriaasianni § 37 naapertorlugu Naalakkersuisunut imatut apeqquteqarputit:

"1. Naalakkersuisut inussiarnersumik qinnuigissuakka nassuiaateqarfigeqqullugu, uranisionermi peqqissutsimut pinngortitamullu sunniutissat pillugit misissuineq sumut killinnersoq.

2. Aamma Naalakkersuisut qinnuigissuakka piviusumik oqariartoqqullugit, qaagu misissuineq qulaani eqqartorneqartoq Inatsisartunut inunnullu tamanut saqqummiunnissaa naatsorsuutigineqassanersoq"

Sammisani aatsitassanik uranimik akulinnik misissuinermit piiaanermullu tunngasutut ittuni innuttaasut isumasioqartarnissaat uannut pingaaruteqarlunnarpoq. Isummer-suutit tamaasa tusartariaqarpavut aammalu sammisamik paasinnilluarnissatsinnut piffissaqarluartariaqarluta. Taamaattumik apeqqummi tassani inaarutaasumik aalajangiinisaq paasissutissanik tunngaveqartumik pisariaqarpoq aammalu naggataatigut tunngavilersuilluarnissaq inuiaqatigiinnilu eqqarsaatigisassat apeqqutaasariaqarlutik.

Taamaattumik paasititsiniaanikkut nunatsinni innuttaasut piviusorsioqartumik peqataatinneqarnissaat qanoq pingaaruteqartiginersoq oqallinnermi uani siusinnerusukkat erseqqissarsimavara. Taamatut siunertaqarnermi Naalakkersuisut ilaatigut uranimik piiaaneq pillugu paasissutissanik imaqartumik filmiliortitsippot, taannalu 2010-imi aggustimi KNR-imi aallakaatinnearpoq, taamatullu aamma 2010-imi aggustimi Naalakkersuisut kissaatqarnerisigut atuagaaqqamik Kalaallit Nunaanni uranimik piiaaneq pillugu paasissutissanik pissusiviusunillu imaqartumik GEUS saqqummersitsivoq.

Tamatuma saniatigut Naalakkersuisut sammisaaq pillugu innuttaasunik ataatsimiititsiner-nik arlalinnik aqqissuussisimapput.

Kalaallit Nunaanniit Canadamut urani pillugu paasisassarsiornermit 2010-imi septembe-rip ulluisa arfinnanniit 12-annut ingerlanneqartumit nalunaarusiaq qanittumi juullinngit-siartoq tamanut saqqummiuppara. Nalunaarusiaq taanna uranimik piiaaneq pillugu a-peqqutinut Kalaallit Nunaanniit angalaqatigiinnit apeqqutigineqartunut aammalu Cana-dami oqartussaasut kattuffillu angalaqatigiit ataatsimeeqatigisaasa akissuteqaataannut tunngatillugu imaqarnilianik imaqarpoq.

10. januar 2011
Dok. Nr.
Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@gh.gl
www.nanoq.gl

Aatsitassanut ikummatissanullu inatsimmi atuuttumi – maannakkut siunissamilu - piumasagaataavoq, aatsitassarsionnermi ingerlatat suulluunniit tamarmik isumannaal-lisaanikkut, peqqinnissakkut avatangiisitigullu isumannaatsumik aammalu nunani tamalaani suleriaatsit pitsaanerpaat naapertorlugit ingerlanneqartassasut. Qinngor-nernik ulorianartunik akulinnik misissuinissamut imaluunniit piiaanissamut akuersis-suteqarnissaq taamaalilluni apeqqutaanngilaq inatsisinut tunngassuteqartoq, kisia-nili apeqqutaalluni politikkimut tunngassuteqarnerusoq.

Akuersissutitut tunniunneqartunut tamanut killissaliussat iluanni, qinngornernik ulo-rianartunik akullit pingaernerutillugit imaluunniit saniatigut tunisassiassatut, qinngor-nernik ulorianartunik akulinnik misissuinissaq piiaanissarlu akuerisaanngilaq. Misis-sueqqissaarnerit ingerlateqqissinnaajumallugit aammalu avatangiisitigut aamma i-nuiaqatigiit aningaasaqarnerannut tunngatillugu misissuinerit ingerlaqqinneri naam-massisinnaajumallugit, Kalaallit Nunaanni atortussiassanik aatsitassanit pisunik mi-sissuinissamut akuersissutitut atugassarititaasuni nalinginnaasuni 16. november 1998-imeersuni killissaliussat iluanni, misissuinerit akuerisaasunut tunngatillugu killissaliussat sukumiinerusumik erseqqissarneqarnissaat Naalakkersuisut pisariaqar-tissimavaat.

Taamaattumik Kalaallit Nunaanni atortusiassanik aatsitassanit pisunik misissuinis-samut akuersissutitut atugassarititaasunut nalinginnaasunut 16. november 1998-imeersunut erseqqissaataasumik ilassutitut allannguutissat makkua Naalakkersuisut akuerisimavaat:

709. Killissarititaasut immikkoortoq 101-mi taaneqartut iluanni ta-makkiisumik pissarsiffiulluarsinnaasunik misissuinerup, avata-ngiisinut sunniutaasinnaasunik kiisalu inuiaqatigiinnit nam-manneqarsinnaaneraniq nalilersuineritallip, suliarineqarnissaa siunertaralugu, aatsitassat misissoqqissaarneqarnissaannut atugassamik atortussiassat nalinginnaasumik radiup qinngor-nerinik akullit misissorneqarnissaannut qinnuteqaatinut AIP akuersissuteqarsinnaavoq. Piiaariaatsimi, avatangiisitigut kii-salu isumannaallisaanertigut peqqinnissakkullu sunniutaasin-naasut, pinngoqqaatinut radiup qinngornerinik akoqarsinnaa-sunut attuumassuteqartut misissuinerit nalunaarusiornerinilu taakkunani immikkut pingaartinneqassapput. Piffissami piler-saarutaasumik misissuinissat pillugit qinnuteqaat nassuiaati-taqassaaq, tassa immikkoortoq 710-mi allassimasooq naaper-torlugit.
710. Immikkoortoq 709-mi misissuinissamut taaneqartumut akuer-sissut tunniunneqarnerminit ukioq ataaseq atuutissaaq. Pigin-nittussaataitaasup qinnuteqarneratigut piffissaq ukioq ataasiak-kaarlugit sivitsorneqartarsinnaavoq, tassa immikkoortoq 1010-1002 naapertorlugit nalunaarusiamik, immikkoortoq 709 naa-pertorlugit immikkut ittumik misissukkat nassuiarneqarneran-nik imalimmik, AIP tigusaqarsimassappat,

kiisalu akuersissuteqarnissamut piunasaqaatit atuuttut allat malinneqarsimappata.

711. Immikkoortut 709-710 naapertorlugit akuersissut pinngoqqaatinik radiup qinngornerinik akulinnik misissuinissamut atuinissamullu akuerisaanerup nalunaarutigineqarnissaanut pisinnaatitsingilaq.

Maleruagassani nalinginnaasuni aalajangersakkat nutaat taakkua, qinngornernik ulorianartunik qaffasippallaamik akulinnik paasisaqartoqarsimagaluarpalluunniit ingerlatseqatigiiffiup VVM-imut misissuinerit ingerlateqqinnissaannut akuersissummik qinnuteqaateqarnissaat ajornarunnaarsippaat. Kalaallit Nunaata kujataani Kuannersuarnut tunngatillugu taamaattunik misissuinerinik ingerlatsinissamut Greenland Energy and Minerals A/S qinnuteqarpoq aammalu akuersissummik tunineqarluni. Taamaattorli misissuinerit taakkua inernerit qaqugu pigineqalissanersut eqqoriassallugu sulii maannakkut siusippallaarpoq.

Inussiarnersumik inuulluaqqusilluta



Ove Karl Berthelsen